

## **ATODIAD 3 :**

## **DRAFFT**

### **Datganiad o egwyddorion cydweithio rhwng Cyngor Gwynedd a Pharc Cenedlaethol Eryri ym maes hawliau tramwy a mynediad i gefn gwlad**

Mae Cyngor Gwynedd (CG) ac Awdurdod Parc Cenedlaethol Eryri (PCE) yn cydnabod yr angen i gydweithio ym maes hawliau tramwy a mynediad i gefn gwlad gyda'r nod o ddarparu'r adnoddau gorau phosibl i bobl a chymunedau lleol ac i ymwelwyr i'r ardal.

Mae llawer o gydweithio yn digwydd yn barod a disgwylir bydd hyn yn parhau, pwrpas y datganiad yma yw cyflwyno'r egwyddorion fydd yn sylfaen i gydweithio agosach rhwng y ddau gorff. Cam cyntaf yw'r Datganiad fydd yn arwain at drafodaethau pellach er mwyn cytuno a llywio cydweithio am y blynyddoedd nesaf.

Wrth sefydlu trefniant cydweithio rhaid bod yn ymwybodol o'r deddfwriaethau sy'n sail i waith y ddau Awdurdod ym meysydd mynediad a gwarchod y tirlun. Dylid hefyd roi sylw arbennig i berthnasedd deddfwriaethau newydd megis Y Ddeddf Amgylchedd a Deddf Llesiant Cenedlaethau'r Dyfodol. Mae'r deddfwriaethau hyn yn pwysleisio dulliau o weithio sy'n seiliedig ar gydweithio a chydlynio ymdrechion gwahanol gyrrff ac asiantaethau. Gwelir bod datblygu a chynnal asedau a chyfleoedd mynediad yn gyd fynd ag egwyddorion llesiant, megis economi lewyrchus, poblogaeth iach a chymunedau gydlynus a cyfartal.

#### **Egwyddor 1 : Blaenoriaethu**

Sefydli'r drefn ar gyfer blaenoriaethu a rhannu'r llwyth gwaith, wrth gymryd y camau hyn rhaid cydnabod nad yw'n ymarferol gweithredu o fewn ffiniau caeth a bydd blaenoriaethau a gofynion statudol yn golygu bydd meysydd gwaith y ddau gorff yn gôr gyffwrdd ar adegau.

#### **Sut mae hyn am gael ei gyflawni ?**

- Bydd PCE yn blaenoriaethu gwaith i gynnal a rheoli'r llwybrau / rhwydweithiau canlynol :
  1. Llwybrau'r Wyddfa.
  2. Llwybrau'r Ucheldir sef llwybrau o fewn cylch (i'w ddiffinio).
  3. Rhwydwaith llwybrau hamdden a llwybrau eraill sydd wedi eu creu a'u hyrwyddo gan PCE.
  
- Bydd CG yn blaenoriaethu'r gwaith o gynnal llwybrau cyhoeddus
  1. O fewn categorïau 1 a 2 o drefn categorïo'r Cyngor sydd heb fod yn rhan o rwydwaith hamdden PCE.
  2. Y Llwybr Arfordir Cenedlaethol
  
- Cyngor Gwynedd fydd yn arwain ar faterion cyfreithiol sy'n gysylltiedig â hawliau tramwy.

## **Egwyddor 2 : Cyfathrebu**

Er mwyn gweithredu yn unol â'r blaenoriaethau a gytunir yn Egwyddor 1 rhaid sicrhau bod cyfathrebu rhwydd ac agored rhwng swyddogion y ddau gorff .

### **Sut mae hyn am gael ei gyflawni ?**

Dylid sicrhau bod swyddogion y ddau gorff sy'n ymwneud a materion mynediad o fewn ardal Y Parc yn gyfarwydd â'i gilydd.

- Bydd swyddogion y ddau gorff yn gyfarwydd â meysydd gwaith ei gilydd a'r dyletswyddau statudol sy'n disgyn i'r ddau gorff o fewn y maes mynediad a hawliau tramwy.
- Trefnir cyfarfodydd ffurfiol yn achlysurol i gyfnewid gwybodaeth ond rhoddir y pwyslais ar gysylltiadau anffurfiol rhwng swyddogion i drafod materion sy'n codi a datrys problemau.
- Bydd gwybodaeth am raglenni gwaith yn cael eu rhannu yn rheolaidd ac yn cael ei rhaedru o fewn y ddau gorff.
- Bydd cyfathrebu a rhannu gwybodaeth yn digwydd yn fuan fel rhan o ddatblygiad prosiectau newydd.
- Edrychir ar ffyrdd i rannu gwybodaeth a gedwir ar systemau technegol y ddau gorff fel bod cofnod cywir o'r gwaith a wneir ar y rhwydwaith mynediad gan y ddau gorff.
- Bydd canllawiau yn cael eu paratoi yn egluro sut bydd materion gweithredol yn cael eu trin a gosod safonau fydd yn gyson rhwng y ddau gorff.

## **Egwyddor 3 : Cynllunio ymlaen ac adnoddau.**

Bydd y ddau gorff yn cytuno ar sut i roi'r Datganiad ar waith, bydd hyn yn cynnwys sicrhau dealltwriaeth ynglŷn â diffinio tir uchel, rhannu gwybodaeth a dulliau cyfathrebu rhwng staff y Parc a'r Cyngor. Gellir wedyn fwrw ati i lunio rhaglen waith, chyfeiriad a blaenoriaethau hir dymor ar gyfer mynediad o fewn y Parc a chymunedau cyfagos gan gynnwys adnabod yr adnoddau sydd eu hangen i'w gwireddu.

### **Sut mae hyn am gael ei gyflawni ?**

- Bydd y ddau gorff yn cyfrannu ac yn cydweithio i gynnal adolygiad o'r Cynllun Gwella Hawliau Tramwy yn unol â chanllawiau Llywodraeth Cymru.
- Edrychir am gyfleoedd i gydweithio ac i ddenu grantiau er mwyn gwella mynediad.
- Bydd y ddau gorff yn fodlon rhannu adnoddau ac arbenigedd staff er mwyn cyflawni tasgau neu brosiectau penodol.